



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅՈՒՆ**

Երևան - 1, Նալբանդյան փ. 104

«14» 04 2015թ.

N: 11/378

«Վարչական դատարան,  
դատավոր Ա. Ղազարյանին  
Երևան, Գ. Նժդեհի 23

Հայցվոր՝ «Հելսինկյան Քաղաքացիական  
Ասամբլեայի Վանաձորի գրասենյակ»  
հասարակական կազմակերպության  
ներկայացուցիչ Ա. Զալյանին  
Լոռու մարզ, ք. Վանաձոր, Տիգրան Մեծի 59

Պատասխանող՝ ՀՀ ազգային  
անվտանգության ծառայություն  
ք. Երևան, Նալբանդյան փողոց, 104

**ՀԱՅՅԱԴԻՄՈՒՄԻ ՊԱՏԱՍԽԱՆ**

«Հելսինկյան Քաղաքացիական Ասամբլեայի Վանաձորի գրասենյակ» հասարակական կազմակերպությունն ընդդեմ ՀՀ ազգային անվտանգության ծառայության՝ տեղեկատվություն տրամադրելուն պարտավորեցնելու պահանջի մասին

Ղեկավարվելով ՀՀ վարչական դատավարության օրենսգրքի 86-րդ հոդվածով ուղարկում եմ հայցադիմումի պատասխանը:

«Հելսինկյան Քաղաքացիական Ասամբլեայի Վանաձորի գրասենյակ» հասարակական կազմակերպության նախագահ Արթուր Սաքունցը ՀՀ ազգային անվտանգության ծառայությունից (այսուհետ՝ ՀՀ ԱԱԾ) 26.01.2015թ. N Ե/2015-26.01/77 գրությամբ հայցել է տեղեկատվություն ՀՀ կառավարության 2014 թվականի փետրվարի 27-ի N 303-ն որոշմամբ հաստատված մարդու իրավունքների պաշտպանության ազգային ռազմավարությունից բխող միջոցառումների ծրագրով սահմանված գործողությունների կատարման վերաբերյալ:

ՀՀ օրենսդրությամբ սահմանված կարգով հարցմանը տրվել է պատասխան:

Հայցվոր կողմի ներկայացրած 1.1.2, 1.1.3, 1.1.5, 1.1.6 և 1.1.8. 1.1.9 կետերում նշված հարցերում հայցվող տեղեկատվության տրամադրումը պարտավորեցնելու հիմնավորումների վերաբերյալ հայտնում եմ.

Հայցվորի կողմից նշված Մարդու իրավունքների և հիմնարար ազատությունների պաշտպանության մասին եվրոպական կոնվենցիայի 10-րդ հոդվածի դրույթներն արտացոլվել են միակողմանի, քանի որ նույն հոդվածի 2-րդ մասում նշված է «Այս ազատությունների իրականացումը, քանի որ այն կապված է պարտավորությունների և պատասխանատվության հետ, կարող է պայմանավորվել այնպիսի ձևականություններով, պայմաններով, սահմանափակումներով կամ պատժամիջոցներով, որոնք նախատեսված են օրենքով և անհրաժեշտ են ժողովրդավարական հասարակությունում՝ ի շահ պետական անվտանգության, տարածքային ամբողջականության կամ հասարակության անվտանգության, անկարգությունները կամ հանցագործությունները կանխելու, առողջությունը կամ բարոյականությունը, ինչպես և այլ անձանց հեղինակությունը կամ իրավունքները պաշտպանելու, խորհրդապահական պայմաններով ստացված տեղեկատվության բացահայտումը կանխելու կամ արդարադատության հեղինակությունն ու անաչառությունը պահպանելու նպատակով»: Հոդվածով նախատեսվում է տվյալ իրավունքի (այս դեպքում տեղեկատվության ստացման) սահմանափակում՝ օրենքով սահմանված դեպքերում: Ինչ վերաբերվում է հայցվոր կողմի նշած ՀՀ Սահմանադրության 27-րդ հոդվածով նախատեսված իրավունքին, ապա ՀՀ Սահմանադրության 43-րդ հոդվածով նույնպես նախատեսված է նմանատիպ սահմանափակում, մասնավորապես՝ «Մարդու և քաղաքացու՝ Սահմանադրության 23-25, 27, 28-30, 32-րդ հոդվածի երրորդ մասով ամրագրված հիմնական իրավունքներն և ազատությունները կարող են սահմանապակվել միայն օրենքով, եթե դա անհրաժեշտ է ժողովրդավարական հասարակությունում պետական անվտանգության, հասարակական կարգի պահպանման, հանցագործությունների կանխման հանրության առողջության ու բարոյականության, այլոց սահմանադրական իրավունքների և ազատությունների պատվի և բարի համբավի պաշտպանության համար»:

Նշված սահմանափակումներն իրենց օրենսդրական ամրագրումն են ստացել «Տեղեկատվության ազատության մասին» ՀՀ օրենքում, որտեղ սահմանված են տեղեկատվության տրամադրման մերժման հիմքերը՝ տվյալ դեպքում պատասխանները պարունակում են ծառայողական գաղտնիք և համաձայն «Տեղեկատվության ազատության մասին» ՀՀ օրենքի 8-րդ հոդված 1-ին մասի չեն կարող տրամադրվել:

Հայցվոր կողմի այն դիտարկմանը, որում նշված կետերով հայցվող տեղեկատվությունը կազմակերպչական և ընթացակարգային հարցեր են և չեն կարող ծառայողական գաղտնիք լինել և դրանց հրապարակայնությունը ՀՀ անվտանգությանը չի կարող վնաս հասցնել որևէ հիմնավորվածություն չունի: Նշված տեղեկատվությունը համաձայն «Պետական և ծառայողական գաղտնիքի մասին» ՀՀ օրենքի 9-րդ հոդվածի 4-րդ մասի «ա» կետի և Հայաստանի Հանրապետության 1998 թվականի մարտի 13-ի N 173 որոշմամբ հաստատված Հայաստանի Հանրապետության պետական գաղտնիքի շարքը դասվող տեղեկությունների ցանկի 32-րդ կետով սահմանված (օպերատիվ հետախուզական գործունեության ուժեր, միջոցներ) պետական գաղտնիք հանդիսացող տեղեկությունների մասն են կազմում՝ այսինքն համաձայն «Պետական և ծառայողական գաղտնիքի մասին» ՀՀ օրենքի 2-րդ հոդվածի համաձայն հանդիսանում են ծառայողական գաղտնիք և դրա հրապարակայնացումն

անթույլատրելի է: Բացի այդ ՀՀ ազգային անվտանգության ծառայության կառուցվածքն ունի գաղտնիության համապատասխան դրոշմագիր և դրանում ընդգրկված որոշ մարմինների ու դրանց ստորաբաժանումների վերաբերյալ տվյալները (այդ թվում՝ անվանումները) ծառայողական գաղտնիք են պարունակում: Հետևաբար նշված կետերով հայցվող տեղեկատվությունը չի կարող տրամադրվել:

Այսպիսով, ՀՀ ԱԱԾ պատասխանը նշված կետերով հայցվող տեղեկատվության տրամադրումը մերժելու վերաբերյալ համապատասխանում է վերը թվարկված իրավանորմերի պահանջներին և նշված ապացույցների հիմքով հիմնավոր է, իսկ հայցվորի ներկայացուցչի պահանջն անհիմն ու անընդունելի է: Ելնելով վերոգրյալից դատարանից խնդրում եմ վերը նշված մասով վարչական գործով հայցը մերժել՝ անհիմն լինելու պատճառով:

Ինչ վերաբերում է 1.1.7 կետով հայցվող առաջարկության օրինակի տրամադրմանը, ապա ՀՀ ԱԱԾ պատասխանում գրեթե տառացի շարադրվել է այն և այդ պատճառով գրության օրինակ չի տրամադրվել, անհրաժեշտության դեպքում կարող է տրամադրվել գրության պատճեն:

1.1.10 կետով նշված հարցի պատասխանը չի տրամադրվել տեխնիկական վրիպակի պատճառով:

Միաժամանակ տեղեկացնում եմ, որ ՀՀ ազգային անվտանգության ծառայությունում սենյակն անչափահասների հարցաքննության համար հատուկ կահավորվում է ըստ անհրաժեշտության:

ՀՀ վարչական դատարանի վարչական գործով հայցադիմումը վարույթ ընդունելու մասին 18.03.2015. որոշումը ՀՀ ԱԱԾ ստացվել է 01.04.2015թ.:

Կից դատարանին ներկայացնում եմ

1. ՀՀ ԱԱԾ տնօրենի 14.04.2015թ. N 11/370 լիազորագիրը՝ 1 թերթից,

2. սույն պատասխանը և լիազորագրի պատճենը հայցվորին առաքելու մասին փոստային անդորրագրի պատճենը՝ 1 թերթից:

ՀՀ ԱԱԾ ներկայացուցիչ՝



Մ. Մկրտչյան

պր



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅԱՆ  
Տ Ն Օ Ր Ե Ն**

Երևան-1, Նալբանդյան փ. 104

« 19 » 04 2015թ.

№ 11/370

**Լ Ի Ա Ջ ՈՐ Ա Գ Ի Ր**

Ղեկավարվելով ՀՀ վարչական դատավարության օրենսգրքի 24-րդ հոդվածով՝ լիազորում եմ ՀՀ ԱԱԾ աշխատակից Մխիթար Մկրտչյանին հանդես գալու ՀՀ դատարաններում որպես ՀՀ ազգային անվտանգության ծառայության ներկայացուցիչ՝ ըստ հայցի «Հելսինկյան Քաղաքացիական Ասամբլեայի Վանաձորի գրասենյակ» հասարակական կազմակերպության ընդդեմ ՀՀ ազգային անվտանգության ծառայության՝ հայցով տեղեկատվություն տրամադրելուն պարտավորեցնելու պահանջի մասին NՎԴ-0726/05/15 վարչական գործը քննելիս:



Գ. ՀԱԿՈՒՅԱՆ